

近代中國史料叢刊續編第八十八輯  
沈雲龍主編

皇朝政典類纂  
沈裕福  
師徐輯

盧法

文海出版社  
有限公司  
印行

中華民國七十一年二月出版

近代中國史料叢刊續編

第八十八輯

精裝：十冊

定價：新台幣



元

主編者：沈

雲龍

發行人：李

振華

出版者：文海出版社有限公司

台北縣永和鎮中興街133巷8號

郵政劃撥戶第二七八四號

電話：九二一六五九  
三四一六九二八

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

皇朝政典類纂

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



皇朝政典類纂卷七十

鹽法一

鹽課總額 盛京 長蘆

戶部山東清吏司掌鹽課之政令會典

凡鹽法籍鹽與商於官令出鹽行鹽量天下食鹽之戶而均布之凡鹽有海鹽有池鹽有井鹽有土鹽有口鹽皆視其產之多寡與其運之遠近以配引而各行於口岸其課則別以鹽課引課雜課稅課包課而權之凡貢鹽官鹽銷鹽各以其地供爲會典

直省鹽課以乾隆十八年奏銷冊計之共行六百三十八萬四千二百三十一引課入五百五十六萬五百四十四兩有奇又盈餘銀一百四十五萬四千四百一兩有奇今以嘉慶五年奏銷冊計之共行六百五十五萬八千六百五十八引課入五百六十五萬二千五百七十五兩有奇又盈餘銀四十二萬八千九百四十二兩有奇會典事例

順治二年諭河南江南等處鹽課照前朝會計錄原額徵解通志

是年詔免各省本年鹽課三分之一核定本年行鹽百七十一萬六千六百二十五引徵課銀五十六萬三千三百十兩六錢有奇通典

十二年奉 上諭兩淮河東長蘆等處各運司鹽課原應商人辦納內有每年派民納課而民不見升合之鹽者著該運司詳加稽核從長計議務分公私兩便經久可行毋得因循積弊特諭兩淮鹽法志

康熙七年奉 上諭吏部戶部都察院鹽課關係國賦最為緊要必得廉能之人差遣乃能嚴緝私販恤商  
民疏通引法以裕國課近見課額未增商人又未有裨益之處以後不必但將監察御史專差應將廉能之人  
選擇兼差爾部院酌量定議具奏特諭兩淮鹽法志

九年停止鹽政官員徵收鹽課議敘例順治十八年以內外大小官員勢豪之家貿易販鹽倚勢不納課銀巡  
視鹽課官員畏勢徇情節致課銀虧欠于是有管鹽官稱職者從優議敘課額虧欠者以溺職治罪之例至是  
敘都御史陳一炳條議巡鹽御史及運司分司州縣等各官任內徵收鹽課不能全清虧額者仍照考成定例  
處分其全清及溢額議敘紀錄加級俱行停止通考

又停止鹽課預徵巡鹽御史席特納等疏言兩淮鹽法春夏行鹽秋冬納課相沿已久原照引數徵納並無計  
日催徵之例祇因康熙七年鹽臣差違稍遲時日部覆鹽差在任一日即有一日考成之責于徵完本年課銀  
外又行重徵新鹽四月方掣新課即于五月開徵鹽尙未賣一引而課已催至二十餘萬此種金錢追呼無措  
非重利揭債即典鬻赴比最為苦累及查此項銀課前差所徵仍入後差考成例于八九等月起解九十等月  
到部是商人徒受預徵之苦而鹽課並無預徵之益官收一金商費數年年遞壓流害無窮兩淮鹽課一百  
五十餘萬每歲報完早徵于額不增遲徵于額不減查民間地丁正賦尙禁預徵商民徵納法無二視伏乞交  
部議將五十七日預徵立行停止戶部議覆兩淮御史按日扣算考成後差任內徵銀作為前差御史考核係  
歷差額徵不便更改疏入 上以預徵原非舊例飭部再行確議戶部覆奏該御史既稱此五十七日課銀預  
徵累商應照所請今後差御史徵收通考

雍正元年 上以鹽法弊費叢生其正項虧欠非由官差需索致窮商力竭卽由商人用度奢華之故 諭各省鹽政將陋例積習盡情禁革以思裕課甦商之道 通典

雍正二年 覆准廣東發帑收鹽所給鹽價水脚銀照從前所定數目每十分之內加增一分於羨餘銀內給發歲終造冊題報會典事例

八年 定地方官經徵鹽課全完議敘之例 通志

十年 覆准廣東運使交盤於定限兩月外展限三月造冊具題 會典事例

十二年 覆准漢中府引鹽改食花馬小池之後空截引角不能實運實銷令仍食花馬大池之鹽其小池歲產餘鹽六千石每歲給六千引令平涼慶陽靈夏三府所屬州縣商人行鹽辦課其新增課銀以十一年爲始造報奏銷 會典事例

乾隆元年 覆准四川建始縣改隸湖北民間食鹽照舊行銷川鹽以建始縣爲經徵施南府爲督催造冊奏銷 會典事例

四年 題准長蘆鹽引令各商進灘代銷鹽政於批准之後報部察覈仍於奏銷冊內聲明 會典事例

十八年 奏准浙江台州温州二府屬所收外輸經費銀每年准其留銀九千八百二十八兩有奇以爲承辦幫鹽文武各官經費之用其數減銀二千六十九兩有奇應令造入盈餘奏銷冊內報部查覈 會典事例

二十五年 奏准長蘆山東引課錢糧向於五月奏銷嗣後改至十月舉行長蘆餘引遞壓一年於五月奏銷 會典事例

二十六年覆准兩浙鹽課舊例於五月奏報今改於歲底造冊報銷會典事例

二十八年覆准河東引課改於次年十月奏銷會典事例

二十九年准長蘆鹽課奏銷展限一月長蘆鹽政高誠奏長蘆各商本年領借帑項運鹽較遲鹽價未及歸回而奏銷已屆酌請暫展一月于十一月舉行以紓商力得旨如所請行通考

三十年議准福建正引課額課於次年六月奏銷餘引課再次一年於七月奏銷會典事例

三十二年諭朕此次臨幸天津該商等趨事赴公頗稱踴躍因念長蘆通綱引課每年十月內奏銷正值銷售茶鹽之時鹽價未及收齊而奏限已屆商力未能舒徐著將長蘆通綱鹽課嗣後改至十一月底奏銷俾得從容完納以示體恤通考

是年以淮南北各場歉收諭將已丑綱奏銷展至八月題報通志

三十五年兩淮鹽政尤拔世奏淮南北各場春夏多雨場鹽歉產各口岸亦多被水行銷不暢請將已丑綱奏銷展至八月題報經部議駁得旨著照所請行通考

又議准山東引課商運票課於次年十月奏銷民運票課額課於次年五月奏銷會典事例

三十六年議准長蘆正引課於次年十一月奏銷額課於次年五月奏銷餘引課再次一年於十月奏銷會典事例

四十一年議准兩淮正引撥提引課額課於次年三月奏銷會典事例

又議准浙江正餘引課額課於次年十二月奏銷會典事例



又議准甘肅引課於次年八月奏銷會典事例

又議准廣東正餘引課課於次年十二月奏銷會典事例

又議准廣西鹽稅於次年十二月奏銷會典事例

又議准四川引課并課於次年四月奏銷會典事例

又議准雲南鹽課於次年七月奏銷會典事例

又議准貴州鹽稅於次年五月奏銷會典事例

五十六年題准山東沂州府屬之蘭山縣額設鹽票四千二百張內撥出一千二百張以五百張改作兗州府屬嶧縣額引又二百張作為沂州府屬費縣額引又五百張作為濟南府屬長山縣額票除費縣票價與蘭山同並無增減外嶧縣加增引課銀一十四兩二錢五釐又徵歸公鹽斤銀一十六兩五錢養廉銀二十有八兩三錢三分八釐銅斤河工等銀一十九兩五錢并長山縣加增票價銀三兩二錢四分九釐均歸入各該縣額徵項下按年造報奏銷 典事例

五十八年諭內閣據郭世勳奏廣東省應行報銷五十六年鹽課原限於次年二月題報因產鹽場地猝被風潮且雨水稍多場地多有短收之鹽不能一律到櫃請將五十六年鹽課寬予兩月至來年四月奏銷等語粵東釐務經孫士毅福康安節定章程改準歸綱鹽本充裕該商等協力轉輸所有應徵鹽課五十四五兩年俱依限題銷並無掛欠鹽務大有起色何以五十六年鹽課又須展限自係該管官員奉行不力日久漸致廢弛福康安等此次到粵後務須留心查察實力整頓俾源源配運疏銷暢速應交鹽課依限題銷毋任官吏因循

怠玩以致甫經整飭之後又復仍前貽誤方為妥善

聖訓

嘉慶元年奉 旨嗣後兩淮奏銷鹽數目著按年計算不必按季具奏致有牽混會典事例

二年題准浙江省台州温州松江三所鹽丁餘鹽及定海縣各澳餘鹽官為給價收買內溫台松三所并玉環一廳定海一縣原給帑本銀二十三萬九千五百九十五兩二錢二分一釐除嘉慶元二等年風潮案內豁免帑本銀三萬八千二百三十五兩五錢五分五釐外計實給帑本銀二十萬一千三百五十九兩六錢六分六釐賣出價銀除繳還帑本外所獲盈餘奏報充餉會典事例

又覆准福建正引額課於次年十月奏銷餘引額課再次一年於十二月奏銷會典事例

五年議准山東商運票課照長蘆之例改至次年十一月奏銷民運鹽課票誤仍於次年五月奏銷會典事例  
道光十一年諭軍機大臣等陶澍奏接受兩淮鹽筴並陳見辦情形一摺據稱兩淮鹽務積弊之餘章程甫立節目尚多如裁浮費去根窩慎出納禁淹消散輪規減價敵私諸款皆商情所不樂應申明國法從實妥辦一有瞻玩卽併其從前弊混之罪追革查鈔至文武員弁向於疏銷巡緝不肯認真出力甚至得規包庇必應整飭等語見當整頓之際功令森嚴該督務須實心查辦力除積弊俾各商及員弁等咸知儆畏於銷引緝私方有裨益至所稱見在商人力能辦運者不過二三十家新商愈寡尙需時日兼之漢口積引不下數千萬石非三兩月所能罄盡江西情形亦然前綱既滯則辛卯新鹽卽截清限界於春月開綱而行抵楚西各岸已在夏秋之際明歲奏銷勢不能如期完竣等語自係實在情形所有明歲奏銷著准其稍寬時日屆期奏明料理此後仍當年清年款不得復蹈故轍其餘未盡各事宜並著該督隨時察看分別奏咨駁辦該督身受重恩總當

任勞任怨悉力籌辦力圖振刷以期鹽務日有起色勉副委任方為妥善諒該督亦必不甘蹈會燠等之覆轍也東華續錄

十二年諭前據陶澍奏鹽務奏銷屆期請稍寬時日並察看淮北未盡事宜分別覈辦當交戶部議奏茲據奏稱兩淮鹽務疲乏已久見在銷鹽雖多均係已丑以前已經納課之引與新綱無涉其新鹽運斗值各省被水轉運遲滯亦係實在情形自應量予展緩惟奏銷寬展一日即占礙下綱一日之引該督速請展限半年恐新綱難以接辦著予限四個月展至本年六月內造報奏銷至楚西各岸均屬暢銷該督即迅飭各商及時捆運其次年如何提前以復原限之處並著確定限期據實具奏至兩淮例入奏銷課項共銀二百十餘萬兩此外加斤正課並應解帑利及外支外銷各款當大加釐剔之後俱應按款造報見在辛卯本綱將屆一年期滿並著該督速即分晰造冊報部以備查駁其淮北未盡事宜亦著迅速妥議章程分別辦理東華續錄

十四年諭前據御史許球奏兩淮鹽務辦理支節情形當降旨交戶部查駁具奏茲據奏兩淮歷年題報額徵課款駁算癸巳綱徵完銀數較辛卯綱實少徵銀二十三萬餘兩其自癸巳綱起停止加帶配劑正引未完正雜課銀仍有三十餘萬兩並未多交銀一百七十八萬兩較辛壬兩綱又少完加斤銀四十餘萬兩駁計自嘉慶十二年至道光六年牽算每年解過銀四百餘萬兩道光七年解過銀六百萬兩覈與該御史所奏比較各款銀數均屬相符至帶利等銀向係分解京外衙門之款總未據造冊報部見據在京各衙門均有奏催之案著陶澍仍遵前旨迅即按款造報以備稽覈又據查該御史奏所趕銷積引毋誤奏銷並籌及票鹽各情形均係准釐緊要關鍵設計于癸未運各引實已積至一綱有餘見在已屆年終儻尙有未清積引勢必年復一

年愈積愈多又開牽混之門永無清釐之日更復成何事體兩淮鹽課奏銷例有定限前據該督將辛卯奏銷奏請展限經該部議覆予限四個月自應運清積引依限奏銷並逐漸提歸二月原限斷不可再有遲延又滋轉輻著該督即將未清積引埽數銷完其新綱奏銷仍確遵奏定限期不准稍有遲逾以正綱分而免積壓至淮北見行票鹽該督前奏試行有效並請推廣辦理若如該御史所奏見在搶案紛紛疊出與該督前奏情形迥有不同備稍滋流弊因鹽務而累及地方所關甚鉅著該督認真查辦將如何稽查防範不至滋生事端並見在有無搶案疊出之處據實具奏毋稍含混兩淮鹽務改歸總督兼轄疏銷緝捕呼應較速且裁革浮費清釐積欠截前杜後永斷萬藤正應剔除弊端年清年款提歸每年二月奏銷原限乃正雜各課及帑利等銀逐年短絀舊欠未完新虧又積年復一年伊於胡底朕綜理庶政惟知賞功罰過視乎其人之自取從前曾燠張青選福珠隆阿福森辦理不善立予罷斥即係前車之鑒該督如有天良即當實力疏銷通盤籌畫振刷精神勉圖自效儼存回護粉飾彌縫苟且一時毫無實效帑課攸關豈容因循貽誤朕惟有執法從事治以應得之罪斷不稍為寬貸

東華續錄

咸豐元年戶部奏伏查 國家歲入之數地丁關稅而外惟鹽課為大宗蓋鹽為人生日用所必需而所費無多故歲有豐歉容有缺糧之時而人無貧富總無乏鹽之日人人不能不食又為人人力所能食故銷路寬而輸課易也產鹽之地各省不同雲南四川產於井河東產於池其濱海省分如兩淮兩浙長蘆山東閩粵等處均產於海所產之鹽皆待煎曬而成其附近居民之以煎曬為業者曰鹽戶 朝廷設官以掌之招商以運之積斤成引按引抽課各省一引之數自二百四十斤至五六百斤不等接收正雜各課自一兩數錢

至二三兩亦各不同此大較也顧納課之多寡以銷鹽之多寡為憑用鹽之多寡以食鹽戶口之多寡為斷  
自 國家定課以後至於今生齒之繁戶口之增豈啻倍蓰乃食鹽之人日見其增銷鹽之路日見其廣而  
行鹽之引地反多滯而少暢以致正雜之課額亦有絀而無盈若是者何也一由私鹽之充斥也一由浮費  
之增加也自設立長商以來各省官紳士庶皆視鹽務為利藪或藉口辦公巧為侵蝕或受人請託曲為通  
融他若陋規黑費之類不可枚舉且課項則有借展緩而陋規則無處減輕此浮費所以日增也浮費增則  
成本重成本重則鹽價昂則銷路滯銷路滯則課額虧而無課之私鹽乃得充斥於其際質既潔淨  
價復輕微由是百姓樂於食私而奸民亦樂於售私於此而欲禁賤價之私鹽行貴價之官鹽雖刑驅勢迫  
有所不能此鹽之所以日滯商之所以日疲而課之所以日短也為今之計欲增課必先暢銷欲暢銷必先  
敵私欲敵私必先減費而欲減費敵私以暢銷而增課則又莫若使各省改長商而行票鹽夫票鹽之所以  
愈於長商者何也長商受官管束官吏因之侵漁長商無可如何故有費而鹽日滯票商隨時認領官吏即  
欲需索票商立許告發故無費而鹽易銷則減費即所以裕課其利一長商有費則鹽價日貴貴則不能敵  
私而銷路日壅票商無費則鹽價日賤賤則可以勝私而銷路日寬則敵私即所以裕課其利二長商積疲  
已久每致先鹽後課而課易拖延票商挾本而來故皆先課後鹽而課無短絀則免欠課之積弊其利三長  
商按綱領運必挾督鉅款而後可以承充票商量力納課即為數無多而亦准其販運則廣民間之生計其  
利四長商則恃係官鹽迫人以不敢不食故鹽多接和票商則各自銷售恐人之或有不食故鹽皆潔白則  
便各省之民食其利五長商價重則人願食私而梟徒因之以多票商價輕則人願食官而私販因之以戢

則化天下之莠民其利六總此六利而又得人以經理之當今生財之大道計無有逾於此者溯查嘉慶六年滇省鹽課改歸井鹽至今年年溢銷道光十二年淮北鹽務前經兩江總督陶澍奏改票鹽除年清年款之外每年協貼淮南鹽課銀六十七萬兩溢銷之數幾至加倍不止道光三十年兩江督臣陸建瀛因漢岸火災之後引滯漸疲將淮南鹽務盡行改票彼時中飽之人藉詞搖惑仰賴我 皇上宸謨獨斷試行之後裁汰浮費百四五十萬票販踴躍爭先已酉一綱上課至五百餘萬兩去歲部庫支絀賴以接濟是改票之上裕 國課下便民食其效已歷歷可徵臣等思各省鹽務除淮鹽改票滇鹽歸井之外惟山東引票兼行尚能年清年款而亦總無溢銷其餘長蘆河東兩廣閩浙四川各鹽務無不商疴引滯苦累日形今兩淮雲南既辦有成效則各省亦可仿照成案量加變通雖因地制宜情形各省不同而銷鹽之地食鹽之人初無稍異惟變法伊始總以裁費為要圖恐向日漁利之人無利可獲必致藉詞阻止搖撼百端設各該省大吏於鹽務情形未能深悉恐以浮詞之眩惑轉致良法之中撓不無可惜 皇上聖明洞照票鹽之利已在宸鑒之中惟各省改定章程勢難同時遍及必須挨次辦理方為施之有序合無仰懇 天恩特簡居心公正通曉鹽務之大員先擇一省前往酌量情形仿照兩淮改票成案妥為籌辦辦定一省再及其餘如此行之以漸持之以久以減費為先務以緝私為永圖不過數年各省盡行改票銷路既廣交課愈多既化私而為官即有暢而無滯課額之增將有加倍於今日者所謂便民裕課其利誠不可勝言也 謹鈔

諭軍機大臣等本日據戶部奏酌改鹽務章程一摺已明降諭旨派王慶雲聯英馳驛前往山西查辦矣該藩司接奉此旨無論行抵何處即行折赴山西俟王慶雲到時會同兆那蘇圖悉心體察該省鹽務情形妥為籌

辦聯英前在山東兩淮辦理鹽務如屬員中有通曉鹽務情形之人准其奏明酌帶一二員前往並著准其馳驛東華續錄

十一任諭內閣大學士周祖培奏請飭整頓鹽務等語鹽務爲國課大宗各省額銷應徵課銀爲數甚鉅近年短絀過多總由該管官不能認真辦理所致當此帑項支絀宜如何激發天良力求整頓暢銷以期裕國課而濟時艱長蘆近來懸岸甚多著直隸總督督飭運司嚴拏私販招商認辦毋再任令久懸以致額徵短絀兩淮就場徵稅並著發實徵收前經湖廣總督官文奏請辦理准鹽行銷楚岸江蘇巡撫薛煥奏請招商運銷湖北江西俱由戶部議准均著認真辦理毋任領運行銷官吏人等營私舞弊其兩廣福建山東四川甘肅等省或仍屬完善或軍務漸平尤應早復舊額並著各該省督撫鹽政痛蠲積習講求利病務期經商裕課按照例限奏銷不得稍有遲誤儻或不知振作任令國家正課日形短絀朕必加以重懲不稍寬貸懷之

聖訓

同治二年兩江總督曾國藩奏竊據兩淮鹽運使新授江寧布政使喬松年詳稱淮北引鹽先經前督臣奏准先儘奏額二十九萬餘引飭販領運其溢運之十六萬餘引俟銷路通暢再行察看情形接續配運除乙卯綱課前已照儘奏額造報外所有丙辰等綱引課自應趕緊造報近年淮北鹽課多以鹽抵淮河通塞靡常銷市暢滯無定不能拘定年限造報而歷年所抵鹽課自應截清數目按綱奏銷以昭核實查丙辰開綱以後河路通行趕運趕銷解鹽抵課濟餉所抵之課除抵足丙辰綱造報額課外餘卽歸入下綱額數分算併報計自咸豐六年五月二十一日開辦丙辰綱起截至同治元年十二月十五日止已足三綱造報所有丙辰綱奏銷舊管銀無項新收咸豐六年分准北綱食正雜各課銀二十九萬四錢八分七釐開除銀無項實

在存庫銀二十九萬三千三十九兩四錢八分七釐又丁巳綱奏銷舊管銀無項新收咸豐七年分准北綱食正雜各課銀二十九萬三千三十九兩四錢八分七釐開除銀無項實在存庫銀二十九萬三千三十九兩四錢八分七釐又戊午綱奏銷舊管銀無項新收咸豐八年分准北綱食正雜各課銀二十九萬三千三十九兩四錢八分七釐開除銀無項實在存庫銀二十九萬三千三十九兩四錢八分七釐以上三綱存銀俱經分別提解業於冊內登註扣除實存候撥銀無造具冊據詳請會核咨并據另詳聲明造報後原冀卽開已未新綱奈上年十二月十五日截數以後節有江南提督臣李世忠營內封鹽之事販情惶惑停頓三月有餘又苗練復叛淮河梗阻以致新綱未能開辦俟道路稍通擇期開辦各等情前來除飭司一俟路通卽行趕開新綱運鹽濟餉並將冊揭咨移部院科道外所有丙辰丁巳戊午三綱准北鹽課奏銷緣由理合會同漕運總督臣吳棠合詞恭摺具奏伏乞 皇上聖鑒會文正奏謹

四年諭內閣戶部奏東綱鹽引請飭查明奏報等語向來各州縣經徵鹽課督銷鹽引分別已未完議敘議處定例本極嚴明此次山東巡撫閻敬銘請將以前未准部覆各年奏銷一併扣除是否專指咸豐九年以前抑九年後各案概行請免聲敘殊未明晰若專指九年前則九年以後仍須議處辦理未免兩歧若將九年後一併免議又駁與例義不符且上年正月該省造報咸豐六年鹽引南運商邱等州縣連年隻引未銷願係各州縣督催不力所致儘該管上司仍復在案含混造報曲為開脫處分該各屬恃無考成誰復認真督運尙安望鹽政日有起色耶著閻敬銘督同該運司詳細查明某州縣未完若干何年積引若干並該部指駁各情逐一分析查明數實奏報以杜混弊而重課款 聖訓



光緒四年山西巡

三省額引及鹽

允准在案奈本

豫省自九月以

虞有疏失且由

岸無人承買糶

間糶米難求豈

多銷鹽日少現

延來年行銷兩

亥綱陳引帶銷

歲之豐歉為最

收成歉薄春編

在情形也前因

字藉收桑榆之

同遭荒旱凡因

民日謀一粥而

在乙亥帶銷之引雖已及半而丙子綱陳引截至十一月底止三省鹽寶正加引票未封課者尙有一千六百餘名之多察看情形勢難依限全數銷完況丁丑陝豫新引年內必須一律開辦若陳新並運陳引不完新引又將積壓如先辦陳引則新引領運無期來年奏銷愈難辦理倘先領新引則陳引積數何時輾轉思惟惟有籲懇 聖恩俯念三省引地盡遭大祲潞鹽積滯難銷准如所請將丙子綱陳引俟乙亥綱帶銷之引封運完竣後再三分年帶徵以紓商力而顧年額如蒙 俞允容俟截至本年年底尙存三省引票各若干確寶查明咨部核辦會忠襄奏議

九年御史桂霖奏竊維度支所入地丁而外鹽課實爲大宗 朝廷不惜繁費設官置吏督課緝奸良以大幣所關期於 國計有裨民生無擾而已自軍興以後綱紊商疲 國課虧敝近年各省鹽政諸臣雖力求整頓而口岸輻輳梟匪搶攘大吏各持己見成效半屬空談及今若不亟思變通則積弊相沿不獨維正之供日削且恐隱患所伏有不可勝言者謹就管見所及敬爲 皇太后 皇上陳之夫私鹽之禁法綦重矣然奸宄之徒之敢於抗明禁冒嚴法出死命而爲之者以獲利多也私販之所以獲利者以售價賤也私鹽何以賤無官府之冗費也無吏胥之蠹蝕也取直輕而銷路易即民間買食者亦多不利於官而利於私敝壞至此雖日執嚴刑峻法以督繩之無益也然則欲挾其弊道將奚由若悉裁鹽務之官仿唐臣第五琦劉晏之法就山海井竈出鹽之地置官收鹽轉鬻於商在其所之官不過問惟盜鬻者論以法其去鹽鄉較遠之地則轉官鹽於彼以待不時之需或商絕鹽貴則減價糶之使鹽價常得其平官民兩收其益無官私之雜糶無引岸之糾紛民食各就所宜商販各安其業地無遺力人無倖心私梟之輩亦何樂於抗明禁冒嚴法

出死命而爲之乎如是則 國課豐收一善也匪徒解散二善也利歸實際愚弭無形豈非方今之亟務哉  
昔劉晏之權鹽也初歲入錢六十萬繼末年所入乃逾十倍而人不厭苦天下之賦鹽利居其大半 宮闈  
服御軍餉官祿皆取給焉鹽法之善無以易此奴才亦知財利之說 聖朝不取更張之舉事所難行然  
以 國計所關民生所繫至愚一得不敢不詳細披陳可否 飭下戶部通盤籌畫核議施行 卹錄

二十七年中英訂定商約附第六節 鹽釐名目須改爲鹽稅可按現徵之釐金數目及別項徵捐加入課稅  
之內此項稅課或在產鹽地方抽收或在銷鹽省分進境後第一局抽收并可任便設立各項驗報驗公所凡  
船隻按照鹽引運載鹽者須在該公所停船候驗蓋戳放行但不得徵收釐金或過路費捐亦不得建築各項  
卡欄阻碍之具

### 右鹽課總額

盛京鹽以奉天府尹兼理轄鹽場二十黃旗場竹心臺場大板橋場小板橋場胡蘆套場甜水河場天橋場二  
道溝場三道溝場四道溝場柴河溝場白馬溝場劉三場柳柴場小鹽場料河堡場團山堡場鐵廠屯場鐵廠  
屯河西場芝蔴鹽場均以州縣佐雜官兼司之會典事例

順治元年定奉錦各屬鹽場歲辦供應 陵寢 長白山祭祀所需白鹽 上用白鹽 阜莊官莊鹽共六萬  
六千斤會典事例

康熙十八年題准奉錦各屬歲頒引萬三千七百七十四引每引徵課銀四錢七分三釐有奇共徵課銀六千  
五百二十三兩有奇會典事例

十九年題准增三千一百引加課銀千四百六十八兩有奇會典事例

乾隆五十六年議准 盛京供應 三陵併支給過往官兵各部院衙門匠役當差人夫等鹽斤例由 盛京

戶部支放自 盛京內務府領鹽二萬斤又於額設鹽莊莊頭三名每名交鹽一萬二千斤共三萬六千斤又

於官莊所屬無地丁夫子弟分往鹽場煎鹽不計丁數交鹽一萬四千斤每年通共收鹽七萬斤嗣因各部院

衙門人口食鹽當差丁夫生齒日繁而鹽斤限於定額復因災免缺鹽准照餘鹽折價之例每百斤折銀三錢

二分折還補缺造入奏銷其每年收鹽七萬斤不敷需鹽八萬餘斤之數應將額設莊頭三名每名原交鹽一

萬二千斤之外各增四千斤共得鹽四萬八千斤併將查出官莊所屬無地丁夫現有五百名亦按丁交鹽四

十斤共得鹽二萬斤較原額增鹽六千斤嗣後滋生人丁按丁增鹽儻有病故短少必以二萬斤作為定額按

丁攤交不准遞減統計新增舊額合內務府原領鹽每年共得鹽八萬八千斤以資官用會典事例

同治元年盛京禮部侍郎雙福奏竊惟軍興以來需費浩繁度支告匱於此而欲為籌餉之策舍其大而圖其

細計其利而忘其弊無當也我 國家歲課所入地丁錢糧而外惟鹽鹺之利最為大宗乃各省俱有鹽課

而奉省向不稅鹽似未允協況值此軍餉支絀之際尤當因時制宜變通籌畫伏思盛京為 國家根本重

地濱海一帶產鹽甚饒豈容奸商任意歇載私販漁利乎而該地方官為無納課之條亦無稽查之責遂聽

其私販而莫能禁查奉天地方遼闊人煙稠密以及吉林黑龍江一帶俱係私鹽並且販賣鄰省於鹽課實

有妨礙若按照他省一體納課則奉天吉林黑龍江等處每年所入不止十數萬兩不特接濟軍需亦於

國課大有裨益臣受 恩深重日懼餉絀時切焦思再四籌策惟此舉尙有利而無弊相應請 旨飭下戶

部查明援照他省納課之例飭令奉天府府尹會同該將軍查看情形宜如何試行緝課妥議章程飭該地方官認真稽查遵照收課並飭吉林將軍轉飭該地方官一體遵照辦理是否有當伏乞 聖鑒訓示遵行即鈔

奉天總督崇厚奏查東三省自 國初至今從未辦過鹽課其中窒礙難行之處節經恩任將軍奏明在案所以同治六年原任將軍都興阿因力籌練餉奏請辦鹽釐亦未議及鹽課今若按照各省配引徵課誠如 聖諭奉省鹽斤向未徵收稅課創辦恐亦不易 飭令體察情形奴才悉心籌畫當此練兵籌餉之時雖不能遽辦鹽課亦必須整頓鹽釐查東三省及蒙古各王旗所有食鹽均仰給於奉省沿海各鹽灘是奉省產鹽不爲不多銷鹽亦不爲不廣第創辦之始立法本末周密以致日久弊生偷漏侵瀆均所不免且原定鹽釐數目太微計鹽六百斤爲一石抽收東錢一吊文現以省城時價而論每石係售東錢十四吊四百文即使酌量加釐不致有礙民食當經奴才崇厚遴委委員前赴各灘逐細詳查酌核擬議現於省城設立籌餉總局並派旗民各員分往產鹽各州縣設局整理每鹽一石抽收東錢二吊四百文仍以八成五公二成作爲局員薪水以及灘長書手局丁巡役工食並心紅紙張一切之需並准灘戶每石加價東錢六百文以恤商力雖較之原定數目不無加增而核計每鹽一斤所收鹽釐仍不及制錢一文似此酌量變通於練餉既少有裨益卽鹽價亦不至驟昂惟從前雖有每石六百斤之說均係私斗私秤每石加至八九百斤不等實不均平現擬仍照原定六百斤爲一石之數頒給官斗責成斗紀於售鹽時按斗過量免滋流弊至嚴杜偷漏等弊現已設立三連鹽票蓋用奉天總督關防發交局員無論何項買鹽人等均令到局領票照數抽

豫方准持票赴灘買鹽並遊販得力員弁帶兵巡查倘或無票運鹽及鹽票相離者一經查出卽照私鹽辦理並令各灘戶公舉灘長以便隨時驗票發鹽及按季將時價公議報官定明以免任意低昂藉昭公允現經擬議章程派員試辦尙須隨時體察情形酌度定報應俟辦有成效再行報部查核以立定章而垂經久

經世文編編

胡傳遼海權鹽私議鹽筴之課始於管子歷代因之遂爲理財之大政我朝每歲財賦所入鹽課尤爲大宗軍興以來天下產鹽之省抽釐助餉莫不沛然而有餘鹽之利軍國豈淺鮮哉然天下產鹽之省如直隸山東山西兩淮兩浙四川閩廣莫不有課惟奉天沿海各州縣處處產鹽未嘗有課非遼海之鹽不可權也金時上京東北二路食肇州鹽速頻路食海鹽皆征其稅元時北京路徵收遼陽鹽課立隨車隨引載鹽之法史有明文我朝以東三省爲湯沐邑世世無所與所以恤旗民培根本也然吉林黑龍江之旗民往者以精銳闢天下咸豐以後積弱不振強鄰無故敗盟要地不敢與校遂拱手而畀之甚且地方盜賊竊發亦不能勦捕其故何哉東三省賦稅少兵餉皆給於京師咸豐間內地兵事日亟軍需浩繁戶部之帑不能如額以給東三省兵丁之餉饑疲虛弱故遂不復可恃同治以後內地之寇漸平於是加練餉以勦盜近年外患迫切奉天設防則食河南之餉吉林設防則食戶部之餉黑龍江爲吉林北方屏蔽地尤緊要以餉無所出至今尙未設防夫東三省爲國家根本重地苟有外患卽竭天下之財力以爭之朝廷固亦不惜然必海宇昇平中原無事內地各行省之賦稅以時貢於戶部而後戶部有帑以給東三省萬一內地用兵戶部之帑刻咸豐間之覆轍奉吉現設之防兵必復蹈之此事勢之顯而易見

者也近年地方當事大員有鑒於此孽孽汲汲招民開墾開荒搜求百貨釐稅皆欲就地籌餉以給軍食而獨不知權鹽譬以一杯水救一車薪之火其無濟於用也明矣夫山澤之利莫大於鹽古之善理財者莫如劉晏其爲鹽鐵使也初年歲入纔四十餘萬緡至大曆末六百餘萬緡天下之賦鹽利居半主晏之權鹽豈有他術哉加稅而已矣考唐時鹽價天寶至德閒鹽斗價祇十錢晏領鹽鐵使時已加稅十倍每斗爲錢一百一十故經理得法一歲能增五百餘萬緡之多近時曾文正公之權准鹽六百觔爲一引自淮南運至湖廣其初每引抽釐銀十兩三錢其後減定章程每引抽釐銀六兩三錢夫以六百觔之鹽而抽釐銀十兩三錢是民間食鹽一觔官收稅銀一分六釐有奇後減至一分有奇也今奉天沿海各州縣之鹽市價每觔不過制錢二文誠能遠倣劉晏之法近援曾文正公權鹽之例奏請 朝廷設官於遼鹽之地以制錢二文收買遼鹽加釐課錢十八文每觔爲錢二十以鬻於商縱其所之遼東之鹽運往承德以東南內地各屬州及吉林黑龍江等處遼西之鹽由錦義運往蒙古各部落引地甚廣銷路必暢如每月能銷鹽百萬觔便可得釐課錢一萬八千文每月能銷鹽千萬觔便可得釐課錢一十八萬千惟遼海之鹽以助奉吉黑設防之用使三省通力合作軍儲饒裕邊防益固永紓 朝廷東北之憂匡時急務似莫切於此矣第我 朝自開國以來遼海之鹽未嘗有課民情難以圖始士大夫溺於政尙寬大之說視國計之盈絀如秦人視越人之肥瘠漠然不關喜戚於其心聞權鹽之議必將斥爲苛政詆爲剝民恣騰謗譎冀阻其事或模稜兩可請少加釐稅先行試辦者此皆迂疏之談不知利害之輕重者也奉吉現雖設防常有地闊兵單之慮黑龍江尙未設防宜切綢繆未雨之思一旦有警欲分防則無兵欲添兵則

無餉皆意中事也其宜就地籌添鉅款以厚兵力不可緩也日今海宇昇平中原無事 朝廷之財力尙難兼顧吉黑廣設邊防如內地有變外患亦乘機竊發當此之時中鴻交弊餉必益絀軍必虞饑亦意中事也其宜就地籌添鉅款以蕃邊儲尤不可緩也此利害之在軍 國者也民間食鹽每人每月不過一觔以每觔加釐課錢十八文計之每人每歲不過多出錢二百一十六文民雖甚貧易爲力也湖廣江西安徽之食淮南鹽市價每觔制錢六七十文遼鹽現運吉林市價每觔十五六文運於靈古塔市價每觔二三四文縱加釐課錢每觔十八文其價尙輕於湖廣等處十之五之三也此利害之在閭閻者也東三省旗地無賦民地之賦輕於東南各省數倍十數倍不等而東南鹽之價又重取東南之財以供東三省之餉二百餘年矣未聞東南之民怨及 朝廷以爲苛虐也東三省之民沐 朝廷之深仁厚澤二百餘年而不知感激圖報者此鹽釐不亦自同化外哉凡事兩利相較當取其重兩害相較當取其輕居今日而爲東三省深謀遠慮非就地籌添鉅款無濟於事然則邊鹽之權卽接准引初章以定稅則亦不爲過況從輕則裁如慮釐課既加官價較重小民嗜利販私者衆縱之則虧課嚴緝則糜費辦理不善正課所入仍不能多則清查各場每日產鹽若干盡數官爲收買使民間無從得私以清其源如慮立法之始商販恐官鹽價重難以出售或裹足不前則倣劉晏常平鹽之遺意及近時各省官運官銷之成案先行官運民間不能淡食不得不市官鹽數月以後價值盡一官鹽通行商販亦可不招而自至遼鹽章程既定吉之琿春三姓黑之艾輝鹽有從俄界來者照各國通商不准帶鹽條約杜其入境可也因地制宜設卡抽收釐稅亦可也要在當事之人主持大計實力舉行以爲東三省涸莫大之餉源而不爲浮



蕭所播耳 經世文編編

右盛京

長蘆鹽以長蘆鹽政總理駐劄天津兼轄山東係 欽差御史巡視一年更代 長蘆都轉鹽運使司管鹽法  
道運使專理原駐滄州康熙二十四年移駐天津轄鹽場十興國場在靜海縣富國場在天津府財場在滄  
州蘆察場在寶坻縣隸天津分司運同駐劄天津舊爲青州分司運同乾隆四十六年改越支場在豐潤縣濟  
民場在滄州石碑場在樂亭縣歸化場在撫寧縣隸前分司運判駐劄天津舊爲蘇永通判乾隆四十二年  
改海豐場在鹽山縣隸鎮場在滄州原隸青州康熙十八年改隸滄州隸滄州分司運判駐劄滄州以嘉慶五  
年奏銷冊計之共行正鹽九十六萬六千四百六十六引每引行鹽三百斤正雜課銀六十八萬一千三百三兩  
四錢有奇外餘引十八萬儘銷儘報並無定額盈餘銀七萬六千三百四十三兩六錢有奇會典事例  
順治元年題准長蘆正引七十一萬九千五百五十又包課改引三萬五千四百五十有三每引徵課銀二錢  
六分五釐七毫有奇會典事例

二年題准開封府所加補課於正引內均攤每正引共課銀三錢九分六釐四毫有奇會典事例  
又准鹽臣於戶部領引台商納課戶部議覆兩淮巡鹽御史李發元疏言兩淮鹽引舊例于南京戶部關領今  
南直規制未定鹽臣請于臣部急頒鹽引以疏鹽利應先給二十萬引濟目前急用其邊商納粟原爲海計今  
中外一統防兵無多應令運司召商納銀依額解部從之通考  
十二年題准增備用四萬五千引照正引例徵課會典事例

十三年題准正備改用每引增銀四分七釐八毫有奇會典事例

又題准河南開封府每引增補額銀六分六釐六毫有奇會典事例

又題准增正引十有二萬照例徵課會典事例

十五年題准停止備用新增二項引日每正引攤納課銀七分一釐九毫有奇會典事例

又暫停厚蘆鹽政解送光祿寺鹽勸禮部詳覆光祿寺條奏長蘆運司所解青白鹽鹽磚歷年存剩六十萬筋有零現在足用應暫停解本色自十五年以後該地方官照時價改折解送光祿寺俟庫內現存之鹽用完日具題仍解本色應如該寺所議行從之通考

十七年題准改引附同正掣增順天永平二府屬三十六百引照例徵課會典事例

十八年定鹽引歸部以杜鹽賤引運之弊巡視長蘆鹽政御史張冲翼疏言長蘆舊例引存戶部先課後引順治十五年戶部發引到司皆爭先求售減價而沽以致鹽賤引運通課甚多請仍循舊例將鹽引歸部庶引不虛發課無遺欠從之通考

康熙元年題准長蘆巡鹽御史題附銷積引納三引之課行二引之鹽每三引統毀一引存戶部以防影射之弊既於國課無虧復於各商有益相應從其所請會典事例

五年題准開封府屬杞通太蘭儀五縣改掣蘆鹽增正引萬三千一百八十九紙照例徵課會典事例

六年題准宣鎮改掣蘆鹽增改千二百引並保安衛改引三百照包課改引衛永正河之例每引納課三錢一分三釐六毫有奇會典事例

十二年定長蘆等處鹽務仍令御史巡視順治二年定巡視兩淮長蘆兩浙河東鹽政差監察御史各一員歲一更代順治十年裁去各省巡按御史將巡鹽御史一併議停鹽務交與運司十二年部覆科臣條議以運司權輕難以糾劾銀將抑彊禁私販請仍擇廉能風力御史巡察康熙七年部院會議嗣後鹽差不分滿漢應將六部郎中員外郎及監察御史選擇賢能官員每一差滿漢官各一員康熙八年侍郎李棠馥奏巡鹽原差御史不獨鹽政利弊兼有舉劾地方官員并察拏惡棍之責應將六部司官停差專差御史以便責成至康熙十一年左都御史杜篤祐奏准停差巡鹽御史歸併各巡撫管理至是九卿等會議直隸巡撫金世德疏言直屬事務殷繁長蘆鹽政巡撫勢難兼顧請仍差御史專理應如所請其兩淮兩浙河東三處鹽政亦仍照例差御史巡視從之通考

十六年題准每鹽一包加鹽二十五斤每引加課銀七分會典事例

又議准 京師地方自十七年為始照元年覆准納三引之課行兩引之鹽會典事例

十七年題准正定河間永平宣化等府薊州及大宛之采育營每引鹽加課四分會典事例

二十四年題准河南懷慶府屬因河東鹽少改食蘆鹽增三萬七千二百五十一引照例增正引課銀萬九千

二百九十八兩三錢有奇會典事例

二十六年題准舊州營汛內黃蓋等集鎮所行鹽引歸併大宛二縣完銷會典事例

又題准河南陳州等六屬改食蘆鹽將兩淮課銀照數扣除自二十七年為始增入蘆額共增二萬四百十有

九引增課銀九千五百二十兩八錢有奇會典事例

二十七年題准陳州六屬原納准課兩倍於長蘆今按課計引將長蘆鹽引照數連行給商行鹽懸秤自賣勿致按丁派食會典事例

二十九年直隸巡撫于成龍以直省宣化各屬地方最苦請將長蘆額引除去聽民自煎食鹽仍照舊額納課從之通典

又題准陳州六屬額額二萬四百十有九引照舊輝輪租例每引該銀八釐共銀一百六十三兩三錢有奇於奉文之日爲始徵收解部會典事例

三十年題准懷來等衛六處改食口外鹽仍照舊額納課會典事例

三十二年題准延懷堡等地方既改設州縣包課銀歸併徵收永寧衛歸併延慶州該包課銀九百七十九兩深井堡改宣化縣該包課銀四十二兩懷來衛改懷來縣保安衛礮山堡亦歸併懷來縣該包課銀五百八十四兩西城東城二堡歸併西寧縣該包課銀四百六十六兩保安州該包課銀五百二十二兩各有奇會典事例

三十三年議准長蘆加增課銀萬二千兩會典事例

又題准大宛二縣加增三萬五千三百十有三引每年應徵課銀同四十三年引額造入奏銷冊內報部察覈會典事例

四十一年議准將灤縣營額五百五十引歸通州知州管理會典事例

四十七年議准長蘆增行萬引課銀四千二百三十六兩有奇自四十七年爲始照數徵收會典事例

又議准銷運等處增行萬引徵課銀四千二百三十六兩有奇會典事例

又議准承屬六州縣增五百七十二引徵課銀二百四十二兩有奇會典事例  
五十四年覆准長蘆京引十有四萬向設京館勾簿商鹽挨次輪銷今革除  
成之商於廣渠門張家灣催科登記別委員發鹽收課立循單給商赴張  
廣渠一門進城循單環照月終彙繳會典事例

雍正元年議准長蘆定例每引行鹽二百五十斤今商欠甚多將現行鹽  
令各商照例運銷免其加課徵完日令該御史將所增鹽作何加賦並應  
又覆准長蘆商人名下應完鹽課作為十分著追永為定例會典事例

八年覆准長蘆學鹽令該御史按各商銷售鹽菜鹽之期豫於春秋二  
鹽委運司運判督催春運秤掣驗放會典事例

又覆准增銷遊漢等州縣三釐引照例徵課會典事例

又覆准每年頒發餘引五萬以備額引不敷之州縣領運儘銷儘報會典  
十二年覆准增銷遊等州萬四千五百引照例徵課會典事例

戶部議覆長蘆鹽政鄂禮奏永平府屬鹽課一案奉 上諭前因商人  
代辦乃晉同信巧詐為姦與徐季韓等通同作弊仍復暗佔引窩懸帑使  
等竟敢結黨把持抗不交割甚屬可惡國家之招商行鹽原為辦理國課

爲名而詐僞營私弊端百出以致帑項稽延積成虧缺是招商辦課轉開侵帑虧課之門此等商與光棍無異司其事者不可不察此案著該鹽政會同總督李衛照部議嚴審究追如逾限不完著落濫委之運使彭家屏分賠仍將晉同信並徐季韓等從重治罪 雍正內閣 上諭

乾隆六年覆准雍正元年長蘆每引加五十斤原議俟各商積欠銀帶徵完日再爲加課今自乾隆二年起長蘆綱引並分認儀封縣引每引加課九分三釐二毫前州永平府正定府河間府采育營每引加課八分四釐七毫有奇懷慶府沙河縣每引加課九分三釐六毫有奇每年共加課八萬九千四百四十一兩九錢三分有

奇會典事例

十八年奏准牌鹽既經停止必須開設官店以濟民食既開官店勢須領引以嚴稽考但官鹽之價仍從牌鹽之例每斤止賣小制錢五文駁計成本不敷商力難以賠墊惟有將津邑所銷餘引免其輸課則商不病而民得承受賤鹽之利至天津縣額引七百道仍照例輸課行銷並將天津一縣作爲公共口岸選商輪值一年更換會典事例

四十六年議准長蘆青州分司運同改爲天津分司運同會典事例

五十年覆准天津公共口岸向係選商輪辦一年更換爲時甚暫兼之津邑逼近灘地爲私梟淵藪防範難周該商不能實心經理漸次廢弛嗣後定以五年報部更換會典事例

嘉慶三年議准長蘆官商原辦二十州縣引地共引一十萬六千二百八十六道全數入官各商分認引地每年應交租價銀二萬兩解交內務府充公會典事例

道光二十年諭軍機大臣等御史許汝恪奏本年五月長蘆鹽政奏請蘆商應徵十九年分商課正雜各項銀糧有廣裕等四十二商未完銀二十七萬四千餘兩勒限三箇月追繳其中完交之多寡並未分晰遂以商眾引懇課歸無著含混懇請展限護運司楊成業督催不力日與商人來往瞻徇情面不敢深問請旨查辦等語長蘆鹽課自立章程以來年清年款歷任運司辦理無誤何以應徵上年各項錢糧忽有奏請展限之舉現在雖給限三箇月如果屆期毫無欠已屬更改舊章儻竟未能如數全完即將該商等治罪而帑項已成虛懸誰執其咎況運司無論實缺護理總應潔已奉公覈實嚴催督辦該商人等稍有疲玩即時詳參示懲若如該御史所奏護運司楊成業與商人來往甚密既洽私情必廢公義商人積慣狡猾或因此玩視公事伴為拮据多方挾制或竟通賄賂希冀寬典種種弊竇實所難免著琦善即飭臬司金應麟親赴天津認真查明果否有前項情弊如係該護運司瞻徇朦混即著據實參奏毋稍回護儻查辦不實日後別經發覺惟該臬司是問

聖訓

咸豐四年諭內閣前據文謙奏請酌借官票發商生息當經降旨交端華全副體察情形據實具奏茲據奏稱以承借之票作為應交之款名為奏銷無細實則減課五成不但借項歸款無期且恐有妨正課該鹽政所請承借官票之處著不准行至蘆商疲敝亦係實在情形嗣後應交各款著照端華等所議准其五成交銀五成以制錢二千作銀一兩交納如此變通辦理恤商即以裕課該鹽政務當督飭運司於該商等應完課款認真稽覈隨時提解毋得任令各商藉口疲敝再有延誤東華續錄

七年諭軍機大臣等有人奏蘆商帑本生息銀兩前經改交五成現銀二成鈔票餘三成每月按京錢四千文

鹽法一 鹽課

十四

交納嗣因部需甚急飭  
現在此項銀兩仍照五  
京商於所餘三成銀兩  
譚廷襄烏勒洪額確加  
混而歸覈實 聖訓

十年諭內閣前因恭親  
稱長蘆鹽務改隸總督  
督管理卽著恆福會同  
奏嗣後長蘆鹽務是其  
力催徵完解務期年清  
臣以資辦公天津關稅  
同治元年諭議政王軍  
應速籌接濟以裕餉源  
遵照尤當飭屬實心經  
二年諭議政王軍機大  
交款繁重前經遵克敦



錢五百文計需銀四錢有奇薪水等項又需銀一錢餘合計兩處每包需銀六七錢不啻增正課一倍見鹽運克敦布館陶河岸卡業經停止而龍王廟抽釐局卡尚在請飭河南一律停止等語長蘆商人因連年賊匪搶掠兼之河道淺阻不能及時趕運以致銷誤課緝若再抽收鹽釐必致商力難支紛紛倒歇於長蘆全局大有關係著張之萬即將龍王廟等處鹽釐局卡一律停止館陶河岸是否一律裁撤抑或仍有影射並著劉長佑查明永遠禁止以恤商艱而裕國課東華續錄

王守基長蘆鹽法議略長蘆卽滄州也滄州舊治去長蘆四十里後移治於此人遂以爲滄州而莫知長蘆之所在矣五季以來卽於其地設鹽司故直隸之鹽以長蘆名 國初巡鹽御史衙署在崇文門外廡斯在者并不出京每年春秋兩季赴蘆東巡視天津設有行館而運司分司皆駐滄州仍其舊也康熙七年御史孟戈爾代巡視蘆鹽以遠駐京城鞭長莫及始請卽行館爲衙署改駐天津蘆鹽向設批驗二所北所在天津之小直沽南所在滄州自鹽場裁并以後北所掣鹽十之七南所掣鹽十之三運司等官亦以天津掣鹽爲便皆改駐焉長蘆應遼金元皆二十四場至明隆慶間因有場無丁裁爲二十場 國初又裁爲十六場復於雍正十年裁并爲十場今則與國富國亦裁并祇存八場曰觀國場在天津縣高家莊曰富國場初在靜海縣鹹水沽今移在天津縣租居民房曰豐財場在天津縣磚沽曰蘆臺場在寶坻縣蘆臺鎮此四場爲天津分司所屬曰越支場在豐潤縣宋家營曰濟民場在灤州柏各莊曰石碑場在樂亭縣石碑莊曰歸化場在撫寧縣鹽務鎮此四場爲前承分司所屬曰海豐場在鹽山縣羊兒莊曰嚴銷場在滄州同居村此二場爲滄州分司所屬天津滄州分司今并爲一場域雖各有界限然亦但就其